

Aku Sika

Ɔpanyin bi waree ne yere ne no tenaa mfee bebree. Awoɔ ho yee den maa wɔn, nanso akyire yi Onyame maa wɔn ba baa bi a wɔtoo ne din Aku. Aku ahoɔfe nti na obiara pe n'asem. Awerɛhosem ne se Aku maame woeɛ no, anni nnaanuu anni nnansa na ɔfirii mu. Aku papa asem yee awerɛho, nanso ɔbeyee no den? Ɔde animia hwɛɛ Aku maa akwadaa yi nyini beyee ababaawa hoɔfeɔ wɔ kuro no mu.

Aku nyiniie no, awerɛhosem a eto so mmienu: Da bi anɔpa na Aku papa buee dadefidie bi mu se ɔreso ahwe na se ewo ahooɔden a, wakɔsum wɔ n'afuom de ayi nkrantee bi a na wɔretwa n'aburoo. Ɔbuee fidie yi mu no, ne werɛ fii se ɔbesan aka ato mu. Papa yi wuraa dan mu ara na Aku koduruu fidie yi ho. Ɔkotoo se ɔrema so ato baabi foforo ara na ne nsa nifa kɔhyee mu. Fidie yi miaa Aku nsa maa ɔteaa mu. Ne papa duruu ho no, na ne ba no nsa nifa so atwa hye fidie no mu. Agya waadwo!

Ɛfiri saa bere no, Aku de ntoma kataa ne nsa a eso atwa no so. Ne papa dii asem yi ho yea maa nna kakraa bi akyi no ɔno nso wu gyaa Aku. Aku beyee agyanka a ɔnni boafɔ biara, nanso se Onyame wɔ w'afa a, biribiara beyee yie. Da koro bi a Ɔmanhene ani boɔ Aku so no, ɔkaa se edane se boɔ ma boɔ dane a, ɔbeware no. Ɔmanhene hyee aseɛ totoo nneema.

Bere soo se Aku beko awaree ase no, Ɔmanhene yere panin no koɔ Nana anim koɔɔ Aku kwaadu. Ɔkaa se: "Me Wura, meka Ntam Kɛsee se Aku ye nsasin. Se wose meboa a, hye da bi ma wo yerenom mmɛsi aburoo wɔ abɔnten so na obiara nhwe se Aku betumi de ne nsa mmienu asi a, yebɛhu." Ɔmanhene ho dwirii no, enti ɔhyee da bi se ne manfoɔ bebo dwa ama ne yerenom abesi aburoo ama obiara ahwe.

Aku tee asem no, ɔyee n'adwen se ɔbeko akɔto asuom awu ɛfiri se fereɛ ne owuo deɛ, fanyinam wuo. Ɔsiesiee ne ho anɔpa bi nante koɔ asubɔnten bi ho. Ɔduruu ho no,

ɔhuu ɔɔɛnkyɛm kakraka bi a wabue n'anom. Eho ara na ɔtee nne bi se: "Aku, mmo hu koraa. Fa wo nsa a eso atwa no hye ɔɔɛnkyɛm no anom." Ɔyee saa no, ne nsa no beɔtaa so maa sika futuro twaa ho hyiae. Aku de anigyee san koo fie.

Bere soee no, ɔmanfoɔ boɔ dwa kesee bi. Ɔmanhene yere panin no de ne nsa mmieniu sii n'aburoo anigyee so. Ankye na Aku nso baee. Ɔde ne nsa benkum sii aburoo no bere a na ne nsa nifa hye ntoma mu. Ɔmanfoɔ teateaa mu: "Aku, yi wo nsa firi ntoma no mu na yenhwe!" Aku paa ntoma no gu hyee aseɛ se ɔde ne nsa mmieniu resi aburoo no. Obiara bo gyee Aku so. Afei, Ɔmanhene yere panin na ne ho repopo yi. Waka ntam adi toro enti ese se ɔde ne ti gyee. Eho ara na Ɔhene abrafoɔ doaa no kooɔ maa no.